



Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XXVIII. Disciplinam monialium instaurat, quare ad mortem cætus
præcipuu[m] aduersariorum sua patientia lucrifacit.

urn:nbn:de:hbz:466:1-10840

erat de genibus ad quatuor, & quinque palmos ab terra suspendi, unde voces, & gemitus mittebat animi tenerim affecti. *Ab Deus! si te homines nosserit!* ô &, *Deus infinitum bone: qui me tantum sustines peccatum!* Et similes, talia quem dixi Ioannes suis deinde filiis narrare solitus, addebat, si scirent quæ de Ignatio ipsem videtur, futurum ut nunquam osculis explerentur solo figendis quod calcasset, ac parietibus intra quos egisset; quæ cum diceret, profuscè flens ac dolens, tundensque manu peccatus, infelicem ac reum se aiebat, quod viri sancti consuetudine nescisset proficere. Neque vero in solo conclavis secreto, eiusmodi raptus Ignatium à terra sustulit, sed quamvis talium occultatorem diligentissimum diuini vis spiritus, inuitum quandoque attollebat; ut Barcinone apud Moniales S. Hieronymi, cum ad aram Matthæi Apostoli ad tres horas precando, vultu sereno & alaci hæsisset, visus est palam, à terra efferti, & flexis genibus pendere in aëre.

Saluti nihilo seciū alienæ, quām perficiendi sui desiderio incumbens, multa Barcinone reliquit documenta insumptæ fœliciter in reducendis ad Deum hominibus operæ, sed in iis eminent patientissima caritas in Parthenone Angelorum emendando qui tunc extra muros inter nouam, & S. Danielis portam situs erat. Agebatur ibi licentius à parum modestis hominibus, cum periculo minimè obscurò, & offensione in publicum graui. Huic malo remedium, quamquam difficilis aleæ molitur Ignatius, vt cui propria damna præ Dei offensa flocci erant: huius ergo templum cœnobij ad visitata sua pietatis officia delegit, multas illuc horas quotidie orando ponit, suscepitque negotij exitum Deo assiduè commendat. Precantis modestia, lacrymæ, vultus ardens; & illa tot horarum tam constans de geniculis oratio, mouere primum Sanctimoniales ad inspectionem hominis curiosam; deinde ad reverentiam, postquam vulgo haberi pro sancto acceptis; postremè etiam ad illum de rebus diuinis audiendum; morem gessit cupientibus libenter, & principio quidem de excellentia religiosi instituti, magnisque illius implendi nominibus verba fecit; inde tanto ardore de probrosis Deo quarundam inter illas apud populum offensionibus dicere aggressus, de infamia Parthenonis, exempli prauitate innocenteribus præbit; animatum crudeli exitio cui occasionem ministrabant; de supplicio denique sotibus parato, & eo atrocius in eas saevituro quo ab amicis, iniuriæ quam ab externis Deum acerbis vulnerant, vt demum seiphas non respicerent modo, vitæque suæ conditionem miserrimam, sed multis etiam lamentarentur ac deflerent. Nec uno conflietu debellatum virus; repetita tamdiu curatio, dum adigerentur ad meditationem certorum capitum, quibus suscitaretur emortua pietas, & refingeretur ad pristinum vitae disciplina: restituto in hunc modum secessu, & moribus, iam & cœnobium aliud, & occlusæ salutatoribus impuris fores. Hinc effusa illorum rabies aduersus Ignatium continuatis auxiliis incepta munientem, terrore, misis, plagiis per emissarios iteratis adorta, cum futura sensit in cassum om-

XXVIII.
Disciplinam
monialium
instaurat,
quare ad
mortem ca-
sus precipue
aduersario-
rum sua pa-
tientia lu-
crificavit.

nia, quamdiu illic diuersaretur Ignatius, statuit illum de medio tollere, ac morte insontis interclusam licentiam denud laxare, die ergo quodam ex cœnobio redeuntem, cum Puigalto sacerdote sancto, sanctique illius operis administristro, aggrediuntur ad portam S. Danielis, ex mancipiis Mauri duo, & tam dirè virtumque fastibus, contundunt, ut ex iis sacerdos intra paucos dies obiecit; Ignatius pugnis, calcibus plagiis cunctatus conciderit, & ab semiuuo idcirco cessatum, quod iam mortuus crederetur. Dum tamen sensus & lingua superfuit, stetit ad vulnera ictusque immobilis, Deum laudans, suisque carnificibus, ac sibi vobiam supplex ab eo flagitans, cui vitam cupidè impendebat. Iacuit afflatus, nec valens in pedes assurgere, donec illum molendinarius casu præteriens, in iumentum iniecit, domique Agnesiæ & Pasqualis detulit. Ed autem peruenit ita proflus animo destitutus, vt mori videretur; quod erat forsitan euenturum, nisi foret pannorum fomentis, vino madentium frequenter excitatus. Liebat tamen corpus omne, usque adeò fractum, omnique sui parte, dolens, ut integrum nihil præter linguam, & oculos retineret, quibus in cœlum suspiceret, Deoque gratias ageret. Moueri, tametsi linteamine suspensus, non poterat sine acerbissimo cruciatu. Post trigesimum verò diem, velut omnino depositus, ultimis Sacramentis, supremum iter adornauit. Viscebant illum interea concursu perpetuo nobilitatis primariæ viri, ac fœminæ, apud quos (ut scriptum reliquit idem Pasqualius) pro Barcinonis Apostolo erat, in iis Stephana Rechesentria, Palamensis Comitis filia, Ioanni Rechesensio nupta; Isabella Bogadesia; Guiomaria Gralia; Isabella Sosa, & aliae, quæ sensu intimo benevolentiae prosequabantur iacentis calamitofum casum. At illas gratulari sibi quam misereri malens, nunquam sibi melius in vita fuisse aiebat, quam in eo procinetu, ad eius exemplum moriendi, qui animarum vita, sua morte litaserit. Sibi quin etiam cilicium detrahi non tulit nisi iussu coactus Iacobi de Alcantara ex S. Francisci ordine viri admodum pij quo à confessionibus vtebatur, quasi dolor plagarum, & lethalis acerbitas voluptati essent, id porrò cilicum ab Ioanne Pasqualio afferuatum, suisque chirographo proprio, instar opimi patrimonij traditum, multos Barcino-ne ægrotos sanauit, sed anno tandem 1606. Dux Montis-Leonis multis illud precibus emercatus thesaurum domus suæ fecit. Verum enim verò carior multò Ignatio pauperum accessus quam nobilium fuit; confluebant ad illum turmatim, lugebantque illius iacturam quam ut auerterent, Deo vota fundebant, ne se patre tam bono, tam fideli seruo priuari Ecclesiam patetur. Neque verò erat unius cœnobij luctum iacturam hominis condigne pensaturum, quem Deus ad præstantiora honoris sui obsequia delegisset. Quare post dies tres, & quinquaginta, cruciamentis ægrè, & vita discrimine defunctus, vixque gressum regere iam valens, mox ad Angelorum Parthenonem se trahit confirmatus noua cohortatione Moniales in tenacitate concepti propositi quod partim admirans, partim dolens Agnesia, cui pro filio erat Ignatius, veritaque ne exasperatus perditorum hominum turpis

pis furor, vitam denique illi eriperet; rogauit loco tam capitali abstineret. Ad quæ ille quem nihil timere Dei vnius amor docuerat, & iniurias in beneficiis, mortem Christi causa, in præmiis tolerantiae censere, nihil se optabilius intelligere respondit, quæ ob Christum pati, & ob animarum salutem mori. Promerita est tam fortis, & mascula caritas, non solum ut Deus, in sancti operis progressu casus similes prohiberet; verum ut etiam cruenti facinoris auctorem præcipuum ad frugem conuerteret. Redeunt enim aliquando, ex illo cœnobio, Ribera quidam mercator, in genua procidit, fassusque crimen, cuius fuisset primarius artifex, magno animi dolore, eius ab illo veniam petiit, sancte fideliterque iuratus exinde se vitam moreque mutaturum, quod vti promiserat, postea non fietè præsttit. Hac verò se ausus nefarij, pœnitentia stimulatum professus est, non tam atrocitate sacrilegij barbari, quæm sancti virtute, cui tot inter Mauri crudelia verbera, nec villum impatiens specimen excidisset; nec verbum, aut indicium illius, à quo esset tam crudeliter caecus, aut cuius mandato cædebatur. Præter hanc tamen Ignatij virtutem minimè dubium contulisse ad hoc plurimum eas preces quas pendente in cruce magistrum imitatus, pro infensissimis hostibus fuderat.

Nec verò hic solum patuit, quantum apud Deum posset Ignatius, & tunc potissimum cum ageretur salus perditis hominibus impetranda, litigabant ibidem Barcinone germani duo cognomento Lylani, horum alter dolori ex lite amissa impar, & in sui exitum præcepit, domi se miser, ex trabe suspendit. Erat domus in vicino cui Bellioco nomen rectâ mare versus porrecta inde clamor, ciuitusque familiarium, & accurrentis ad funestum casum viciniæ, accurrit etiam cum iis Ignatius, qui ex Parthenone Angelorum saepius memorato, tunc redibat, miserrusque animæ infeliciis, funem iubet abscondi, postque frustra tentatas artes omnes ad reuocandos iacētis spiritus, dénum iudicio omnium mortui ad latus genuflectit, breviisque, sed ardentí prece, tantum vitæ miserrimo homini à Deo flagitat quantum ad expiandum confessione scelus sufficeret. Auditur, & cunctis stupentibus, vt Rom. rotæ auditores tres loquuntur, & rei exitum expectantibus, Lysanus ad vitam rediit, ac ne dubium foret cuius precibus donaretur, conditione absoluta quā illas definierat Ignatius, hoc est confessione peccatorum, rite integrèque peractâ denuò animam efflavit.

Biennijs spatio in Latina lingua Ignatius eò processerat, vt posset magistrī iudicio ad superiores scientias transfire; itaque Complutum scholam, tunc nouam, & celebrem ob idque viris insignibus in omni doctrinarum genere insignem proficiscitur; vbi tamen Deus, maiora de illo cogitans, gymnasium illi virtutum potius, quæm disciplinarum, & patiendi magis quæm philosophandi instruebat. Discessuro multi optabant se comites addere, non tam sodales in literis quæm in pietate discipuli; ex iis lecti ab eo tres tantum Callistus, Ariaga, & Cazeresius, nec ipsi stabiles: quorum exitus parum felix suo loco dicetur, sed inter illos quos sequi se noluit,

XXIX.
Mortuum
qui sibi la-
gueo vitam
abrupterat,
ad confessio-
nem peccato-
rum in vi-
tam reuocat.

XXX.
Prædictiones
Ignatij de
quibusdam
volentibus se
illi adian-
gere.